

Broj: 02-138-2 /21

Datum: 02.02.2021. godine

Na temelju člana 33. Zakona o osnivanju Nezavisnog operatora sistema za prijenosni sistem u Bosni i Hercegovini ("Službeni glasnik Bosne i Hercegovine", broj 35/04), člana 69. stav (2) tačka e) i člana 70. stav (4) Zakona o javnim nabavkama ("Službeni glasnik Bosne i Hercegovine", broj 39/14) i člana 25. Statuta Nezavisnog operatora sistema u Bosni i Hercegovini ("Službeni glasnik Bosne i Hercegovine", 89/16 i 84/18), generalni direktor donosi:

ODLUKU O PONIŠTENJU OTVORENOG POSTUPKA

Član 1.

Poništava se otvoreni postupak za "Nabavka rutera za PCN mrežu ENTSO-E" broj: T-NOSBIH-O-10/20 u skladu sa članom 69. stav (2) tačka e) i članom 70. stav (4) Zakona o javnim nabavkama jer cijena jedine prihvatljive ponude Konzorcija Prointer ITSS d.o.o. Banja Luka i Prointer ITSS d.o.o. Sarajevo je znatno veća od osiguranih sredstava za predmetnu nabavku.

Član 2.

Ova Odluka stupa na snagu danom donošenja.

Obrazloženje

Na portalu javnih nabavki objavljeno je Obavještenje o nabavci broj 1253-1-1-38-3-32/20 od 08.12.2020. godine za "Nabavka rutera za PCN mrežu ENTSO-E" broj: T-NOSBIH-O-10/20 te je sažetak ovog Obavještenja objavljen u "Službenom glasniku BiH" broj 80/12 od 11.12.2020. godine.

U predmetnom otvorenom postupku javne nabavke dostavljena je jedna ponuda: Konzorcija Prointer ITSS d.o.o. Banja Luka i Prointer ITSS d.o.o. Sarajevo. Ova ponuda je dostavljena blagovremeno. Komisija je prvobitno provjeravala kvalifikacijske uslove i zahtjeve iz tehničke specifikacije te zaključila da ponuda Konzorcija ispunjava kvalifikacijske uslove i zahtjeve iz tehničke specifikacije te je u tom smislu ocjenila ovu ponudu prihvatljivom. Nakon toga je pristupljeno analizi cijene jedine prihvatljive ponude u smislu kriterija za dodjelu ugovora utvrđenog u tenderskoj dokumentaciji.

Najniža cijena je kriterij za dodjelu ugovora u predmetnoj nabavci. Jedina dostavljena i prihvatljiva ponuda u iznosu od 400.000,00 KM (bez PDV-a) prelazi iznos procijenjene vrijednosti nabavke od 395.000,00 KM (bez PDV-a) objavljene u tenderskoj dokumentaciji i Obavještenju o nabavci za predmetnu nabavku. Shodno tome, Komisija je predložila poništenje otvorenog postupka javne nabavke za "Nabavka rutera za PCN mrežu ENTSO-E" broj: T-NOSBIH-O-10/20 u skladu sa članom 69. stav (2) tačka e) Zakona jer cijena jedine prihvatljive

ponude Konzorcij Prointer ITSS d.o.o. Banja Luka i Prointer ITSS d.o.o. Sarajevo je znatno veća od osiguranih sredstava za predmetnu nabavku te je ugovorni organ donio Odluku kao u članu 1.

Također, Komisija je primjetila da cijena ponude Konzorcija od 400.000,00 KM bez PDV-a prelazi u drugi vrijednosni razred u odnosu na postupak koji je proveden za predmetnu nabavku. Naime, Nezavisni operator sistema u Bosni i Hercegovini je ugovorni organ u skladu sa članom 4. stav (1) tačka b) Zakona, a za ove ugovorne organe je u slučaju kada je vrijednost nabavke jednaka ili veća od 400.000,00 KM uz provođenje otvorenog postupka, dužnost dodatno oglasiti i sažetak obavještenja o nabavci na engleskom jeziku na portalu javnih nabavki u skladu sa članom 14. stav (2) i stav (5) Zakona.

Nezavisni operator sistema u Bosni i Hercegovini je za predmetnu nabavku procijenio vrijednost od 395.000,00 KM bez PDV-a i shodno odredbi člana 14. stav (2) i stav (4) Zakona o vrijednosnom razredu koja mu to dozvoljava proveo otvoreni postupak bez dodatnog oglašavanja sažetka obavještenja o nabavci na engleskom jeziku na portalu javnih nabavki. Imajući u vidu navedeno, Komisija je primijetila da cijena ponude ponuda Konzorcija Prointer ITSS d.o.o. Banja Luka i Prointer ITSS d.o.o. Sarajevo od 400.000,00 KM bez PDV-a je vrijednost nabavke upravo onolika za koju je Nezavisnom operatoru sistema u Bosni i Hercegovini, kao ugovornom organu iz člana 4. stav (1) tačka b) Zakona, propisana pored provođenja otvorenog postupka, obaveza dodatnog oglašavanja sažetka obavještenja o nabavci na engleskom jeziku na portalu javnih nabavki.

Komisija je primijetila da cijena ponude Konzorcija od 400.000,00 KM bez PDV-a prelazi u drugi vrijednosni razred u odnosu na postupak koji je proveden za predmetnu nabavku i da ponuda Konzorcija nije u skladu sa pravilima o vrijednosnom razredu za postupak koji se provodi, a koja su utvrđena članom 14. Zakona.

POUKA O PRAVNOM LIJEKU: Žalba na ovu Odluku se može izjaviti ugovornom organu, u pisanoj formi u dovoljnom broju primjeraka (ne manji od tri), najkasnije 10 dana po prijemu Odluke.

Generalni direktor
dr Milodrag Košarac



Dostaviti:

- Konzorciju Prointer ITSS d.o.o. Banja Luka i Prointer ITSS d.o.o. Sarajevo
- Služba za pravne poslove i radne odnose
- a/a